

Franckesche Stiftungen zu Halle

Memoria Theologorum Wirtembergensium Resuscitata, h.e. Biographia Præcipuorum Virorum, qui à tempore Reformationis usque ad hanc nostram ætatem ...

Accessit Elenchus Scriptorum tum editorum, tum in Manuscriptis latentium cum
Supplementis atque Indicibus necessariis

Fischlin, Ludwig Melchior

Ulmæ, Anno M.DCC.IX.

VD18 90845390

[Iohannes Zellerus]

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

[urn:nbn:de:gbv:ha33-1-216317](https://nbn-resolving.org/urn:nbn:de:gbv:ha33-1-216317)

JOHANNES ZELLERUS, Archi-^{Nat. 1620.}
Mandrita Mulifontanus, Generalis ^{Cl. 1630.}
Superintendens & Senatus Provincialis ^{Ob. 1694.}
Majoris Adfessor, vitæ primordia hausit
Rothfeldæ d. 19. Decembris 1620. Parentibus,
Johanne, Pastore, & Beatrice Blossiâ. Septennio sub
Informatione paternâ exacto, Wildbergam, in con-
victum & Scholam, M. Straubii Præceptoris, & post
biennium Montispeligardum, ad M. J. L. Volma-
rum, Superintendentem & Ecclesiastem Aulicum,
Sorum suum, ut cum Latinâ Gallicam apprehenderet linguam, missus est, ubi sub pollice Rectoris, Brisechou, non parùm profecit. Anno 1636. defunctis jamjam Parentibus & patriâ post prælium Nördlingenſe miserè devastatâ domum revocatus; fratribus, Johanne Conrado, Superintendente Wildbergensi & Christophoro, Diacono Calvensi, postmodum Concionatore Aulico, cum Putore, M. Grücklero, Bulacensium Pastore, in dubio hærentibus, cui studio continuando eum applicarent, tandem ex consilio Joh. Val. Andreæ, Superintendentis eo tempore Calvensis, (qui mutatis in meliorem statum rebus, patriam istiusmodi Ingeniis opus habituram diſtitabat,) aliquandiu in domo & sub curâ fratris Christophori vixit, donec 1639. in Stipendium Ducale reciperetur, solutis tamen pro alimento quadraginta florenis, quos D. Andreæ ex ærario legatorum Calvensium erogari procuravit. Eodem anno consuetis honoribus Philosophicis redimitus, tertio inter Competitores loco, Theologiam tractare cepit; cumque ex Lectionibus publi-

cis, privatoque Collegio, à M. Pregizero, Theologiae Candidato, in Augustanam Confessionem habito, progressus non contemnendos fecisset, Disputationem de Induratione sub Praesidio D. Pregizeri, Cancellarii, juxta Comilitones, M. Lauxium & M. Esenweinium, defendit. Primitias fidelitatis & industriæ indefessæ Mompelgardi ostendit, ubi à Domino Beuringero, Consiliario & Quaestore Ducali non solum Informatio liberorum, sed & ingens vis frumenti, copiis Gallicis in viciniâ commorantibus distribuenda, imò tota denique Oeconomia, Domino propter ingruentem pestiferam luem aliorum fugiente, curæ illius fuit concredita. Inde commendatione D. Val. Andreae ad aulam Brunswicensis, ut Principes Juniores in linguâ Gallicâ, prout Tubingæ jamdum fecerat, erudiret & cum illis ipsis peregrè abiret, vocationem oblatam, amicis prægnantibus ex causis eam dissuadentibus, recusavit. Vicarias deinceps operas M. Schmidio, Diacono Marpacensi cum præstitisset, ad eò sua dona, Josepho Schlotterbeccio, Superintendenti, totique Marpacensium Ecclesiæ commendavit, ut ipsum votis consentientibus Diaconum expeterent. Verum enimverò D. Andreae Amanuensis loco usus Stuttgardiam evocavit, ubi plurima magni momenti calamum ejus subierunt, Anno 1644. Ministerio, in pagis Neuweiler & Braitenberg, Dioeceseos Calvensis, obeundo admotus per semestre quartanâ usque ad eò laboravit, ut sub ipsis Concionibus Paroxysmo quandoque obrueretur, salario præterea destitutus. Elapso quinquennii 1645. Müncklingam, Leobergensis districtus, & anno 1651. Lienzingam,

gam,
rande
anno
super
Hercy
Mon
Maul
ris, F
Gene
Senat
Ex pr
Instit
ter pr
rus Z
hanno
miâ T
temb
ter;
que f
d. 1.
nam,
diens
rici,
etam
gus v
anim
men
Eccle
etion
num
Sime
vum

gam, optione inter 40. Parochias datâ , traductus, tandem 1661. Superintendentiam Waiblingensem; anno 1669. Vaihingensem obtinuit, designatus insuper aliquot post annos Abbas Alpirspacensis in Hercyniâ, quam in Spartam anno 1680. translatâ in Monasterium familiâ, plenè immisus; ad ultimum Maulbronnâ singulari Serenissimi Administratoris, Friderici Caroli, gratiâ ad consuetas Abbatis, Generalis Superintendentis & Consilarii Ducalis in Senatu Provinciali & Synodo dignitates evectus est. Ex primâ Coniuge, Anna Maria, Josephi Geisselii, Institutoris Calvensis filiâ, 8. liberos genuit, quos inter præcipuâ existimationis, Dominus Christophorus Zellerus, Ecclesiastes Aulicus, & Dominus Johannes, Medicinæ Doctor & Professor in Academia Tubingensi Primarius, Serenissimorum Wirtembergiæ Ducum & Principis Oetingensis Archiatro; ex quibus & reliquis 24. Nepotes, pari utriusque sexus numero, vidit. Secundis votis 1687. d. 1. Aug. duxerat Annam Catharinam Eislingerinam, B. Winzelburgeri, Poligrammatei Cantstadensis Viduam. Cæterum & fratris, Johannis Ulrici, Consilarii quondam intimæ admissiois relictam sobolem sollicitè cum suis educavit. Theologus vigilans in officio, prudens in consiliis, placidi animi & festivi oris, de quo illud omnium maxime memoratu dignum, quod integrum Semiseculum in Ecclesiæ Ministerio exactum publicâ Gratiarum Actione, ex ambone Concionatorio, vegeto etiamnum corpore, conclusit, expansis manibus, tum in Simeonis cantionem cygneam: Nunc dimittis servum tuum, Domine; tum in hymnum exequialem:

So

So fahr ich hin zu Jesu Christ. 2c. desinens
 ipsa Feriâ Jacobi. Quo facto tertiâ post die, quæ
 Saturni erat, cum Concionem Pastoris Zaisenhuf-
 ni Investitoriam meditaretur, catarrho suffocativo
 primùm elinguis & insequente die Lunæ, vitæ tem-
 poralis exors redditus Jubileum in Cœlis inchoavit
 sempiternum d. 2. Augusti, 1694. ætatis 74. Mini-
 sterii 50. Homiliâ funebri parentavit M. Philippus
 Melchior Græter, Superintendens & Pastor Rofs-
 wagensis ex cantico Simeonis: Luc. II. v. 29. cujus
 thema: Seeliger Abschied Gott-^e Ergebener/
 wohlversuchter und Treuerfundener Diener.
 Idem Epigramma non inelegans adjecit:

Nescia compesci gliscens in Corde fa-
 villa

Materiam flammis repperit illa
 suis.

Encomium Viri, suumque affectum ad Effigiem
 ejus æri incisum expressit D. Joh. Adamus
 Osiander, Cancellarius Tubingensis:

*Fronte sub hac latitat Pietas, Constantia, Zelus,
 Verior & quicquid Theiologia capit.*

*Externam faciem dedit æs, durumque metallum;
 Interiora, Deus tu benedicte, tenes.*

*Hunc etiam Spiro & spero, Carissime fratrum,
 Terra mihi dudum sordet, & astra peto.*

Scripta.